

銀行週報增刊

票據交換所研究

民國十一年一月印行

栗

據

文

換

所

研

究



江苏

工业

学院

图书馆

藏书

章

中國今日之貨幣問題廣告出版

目次

- 幣制問題 幣制本位問題之商權(諸青來) 幣制問題之治標策(陶德琨) 改革幣制
意見書(王文海) 中國幣制概略(青松)
- 國幣問題 論英洋龍洋之消長及英洋之自然消滅(張公權) 貿易改用銀元平議(諸
青來) 關稅改徵國幣問題平議(盛灼三) 上海中國銀行發行國幣鈔票感言(徐
永祚) 論英龍洋同一市價即為統一國幣之先聲(徐寄廬) 為英龍洋劃一市價敬
告吾國各銀行及錢莊(徐永祚) 論舊幣改鑄新幣之必要(徐寄廬) 國幣型式管見
(徐滄水) 今日金融上之緊要問題(徐滄水)
- 廢兩改元問題 上海銀兩本位之難於維持(徐永祚) 廢兩改元議(徐永祚) 廢兩改
元當自上海始(徐永祚) 廢兩改元當先自廢匯劃銀始(徐寄廬) 銀行匯劃之商權
(唐壽民) 廢除匯劃銀之管見(徐滄水)
- 輔幣問題 論新銀輔幣(張公權) 論新輔幣之推行方法(諸青來) 論推行新銀輔幣
之動機(徐寄廬) 論推行新銀輔幣之必要(徐滄水) 新銅幣增加問題(蔭塗)
- 銅幣問題 新銅幣之增加及其影響(王顯謨)
- 造幣廠問題 上海開設造幣廠之不容緩(徐永祚) 設立上海造幣廠計劃書(陶德琨)
對於上海造幣廠之希望(徐滄水) 上海造幣廠借款述評(徐滄水) (附錄) 大阪
造幣局調查記(徐滄水)

本書共約二百頁每冊定價大洋一元二角寄費在內不折不扣

經售處

銀行週報社

分售處

北京大學學生儲蓄銀行
北京銀行月刊社

緣起

票據交換所問題。週報同人。曾作深長之討論。言之綦詳。十年五月。天津銀行公會聯合會議。由京滬兩公會提出組織此項交換所之議案。即經大會通過。敦促各埠公會積極進行。以期早成而利金融。今已七閱月。事且等同泡影矣。雖週報鼓吹於前。公會提倡於後。而票據交換所之卒未聞產生者。是殆由於金融界視此項組織應從緩也。

然余以謂票據交換所之組織。在他埠雖可從緩。而上海獨不可緩。蓋上海金融事業。較之全國獨爲發達。查南北市匯劃莊。共七十一家。新舊華資銀行。約三十六家。計銀行錢莊共百零七家。設以行莊每日互解一次。計且八千二百三十九次。是現金搬運之繁。以上海爲獨甚。此上海票據交換所亟應設立者一也。

緣起

票據交換所問題。週報同人曾作深長之討論。言之綦詳。十年五月。天津銀行公會聯合會議。由京滬兩公會提出組織此項交換所之議案。即經大會通過。敦促各埠公會積極進行。以期早成而利金融。今已七閱月。事且等同泡影矣。雖週報鼓吹於前。公會提倡於後。而票據交換所之卒未聞產生者。是殆由於金融界視此項組織應從緩也。

然余以謂票據交換所之組織。在他埠雖可從緩。而上海獨不可緩。蓋上海金融事業。較之全國獨爲發達。查南北市匯劃莊。共七十一家。新舊華資銀行。約三十六家。計銀行錢莊共百零七家。設以行莊每日互解一次。計且八千二百三十九次。是現金搬運之繁。以上海爲獨甚。此上海票據交換所亟應設立者一也。

上海爲吾國商業之中心。又爲國際貿易之區。其每日收解款項。較他埠爲多。自在情理中矣。且各國票據交換所之設立。按之歷史。必首自商業繁盛之區。如英之倫敦。美之紐約。法之巴黎。日之大阪。蓋其商業票據授受之繁。勢有不能不設立此項補助機關也。滬上商業。既冠全國。則滬上金融界。尤應爲全國首倡。設立票據交換所。此上海票據交換所亟應設立者一也。

上海中外雜處。在外商勢力範圍之下。我國商人之與外商接觸者。每感不平等之待遇。蓋行莊解付。嚮受外國銀行之操縱。有限制三家收解之舉。且華商銀行之向其付解者。必先存現銀於其庫中。實則此項解付。不盡華商與外商。而華商與華商。實居多數。且上海外國銀行。禁止華人使用指名人支票。因用指名人支票。銀行負責較大。此尤爲不平等者也。故欲免除此種苛待與不平等之惡習。尤應創辦票據交換所以自衛。此上海票據交換所

亟應設立者三也。

且此次中交兌現風潮。發軔倡亂者。實由外人。試問彼外人之居心積慮。以擾亂吾金融何者。不過欲藉此以掌握吾金融權耳。藉此以破壞吾金融界之信用耳。彼既能發亂於前。甯不能設謀於後。故吾人爲防患未然。其有能增進吾同業之幸福。固築吾金融之信用者。尤宜積極提倡。刻不容緩。蓋票據交換所之設。亦固築信用。增進幸福之一種金融組織也。吾國今日金融全部之組織。其最弱之點。莫過於無強有力之中央銀行。強有力之中央銀行。在能使資金集中。準備雄厚。以輔助金融界之不足。因之調劑資金。伸縮利率。而使全國有一致之金融政策。則票據交換所之設。在吾國尤爲緊要之舉。以補助中交兩行之缺點。蓋今日之中交。因內部組織之不同。勢有不能即時合併者。則吾人在此未合併期內。應有相當之補救。以漸造成中交

爲強有力之中央銀行。故余謂上海票據交換所之組織。不必單獨設立機關。可於中交兩行內附設專部。辦理交換。以中交現有之庫房爲交換之庫房。增加公共準備金。以備交換之需。則事省而功倍。有利而無害。同人有鑒於此。緣將散文彙刊單本。以供吾銀行家錢莊家之參攷焉。

中華民國十一年一月

姚仲拔識

票據交換所研究

目次

票據交換所制度之研究	一	徐滄水
說票據交換所	四〇	徐永祚
票據交換制度之發達	五二	朱羲農
述票據交換所	六四	徐裕孫
東京交換所調查錄	八四	徐滄水
東京交換所之實況	九〇	徐滄水
籌設上海銀行交換所之提議	九五	姚仲拔
(附錄)紐約票據交換所會員銀行一覽	一三四	一三七頁
倫敦及紐約票據交換所累年交換額	一三八	一三八頁
日本全國票據交換所累年交換額	一三九	一四〇頁

目次

票據交換所研究

票據交換所制度之研究

徐滄水

第一 概說

- 第二 票據交換所之意義
- 第三 票據交換所之沿革
- 第四 票據交換所及於經濟上之效果
- 第五 票據交換所之組織及交換方法
- 第六 代理交換及地方交換
- 第七 票據交換所之制裁
- 第八 票據交換所之特種業務
- 第九 各國票據交換所制度之大要

第一 概說

票據交換所(Clearing-House, Chambre de Compensation, Abrechnungstelle)爲銀行業

票據交換所研究

一

最重要之補助機關。其關係於銀行業務之發達。甚為密切。蓋在現今信用發達之經濟社會。銀行收付物件之大部分。如支票、匯票、期票等均係信用形式之支付用具。銀行對於一切往來交易。其相互間出入頻繁。均由票據上以發生貸借關係。在昔對於票據上貸借關係之清算。均由銀行各自直接收解。迨及今日。往來交易。日臻複雜。不得不謀一穩妥迅速之便利方法。此即票據交換所制度所由起也。

票據交換所之設立。足以促進銀行業務之發達。近世票據交換所之任務。已逐漸擴張。銀行業者為謀其公共利益。均以此為實行一切設施之機關。如美國之票據交換所。并檢查會員銀行之財產狀態及營業情形。以謀會員銀行經營上之確實健全。他如為會員銀行調查顧客之信用。或在恐慌發生之際。發行票據交換所貸款證券。(The issue of Clearing-House loan certificates) 以為會員銀行相互間之救濟。(Mutual assistance of members) 他如存款利率之公定。(Fixing uniform rates of interest on deposit) 匯費及收解手續費之公定。(Fixing uniform rates of exchange and of charges on collections) 觀於此可知票據交換所

之任務。其範圍逐漸擴張。在經濟社會所佔之地位亦更加重要矣。

第二 票據交換所之意義

票據交換所者。即加入交換之各銀行。每日於一定之時刻。各派交換員以清結各銀行間從票據上以發生之貸借關係。票據交換所即實行清結之機關也。

蓋銀行每日對於存款之支付及放款之清償。實以票據佔其多數。此外尚有由顧客托代收款之票據。如須各自直接收解。則殊不勝其煩瑣。倘由各銀行會集於一處。互出其所收入之票據以各相交換。則不但可以免去收解之煩勞及其危險。而付款銀行因票據關係以儲存之準備金。可以祛除其不利益。因交換所於貸借相抵後。僅各就其差額以相授受即可。加之在有中央銀行之國。各銀行均各開有活期存款帳。其交換差額之支付。僅由中央銀行以爲轉帳。實際上并不動釐毫之現金也。

銀行在現代之經濟社會。實爲最重要之金融機關。而銀行欲保持其在經濟上之重要地位。以盡其職分。必賴有各種補助機關以助長其發達。如票據交換所、徵信所、堆棧、票據經紀人等。均與銀

行業務互有密接之關係。而爲不可或缺之補助機關。若票據交換所則尤佔重要地位。故論票據交換所之意義。從經濟上以爲說明。則一言以蔽之。謂曰銀行業必要之補助機關而已。且現今之銀行。如不依交換所之作用。以清結其票據上所發生之貸借關係。則各銀行必須保有多額之準備金以死藏於庫中。其活期存款之機能必因以減縮。若美國之交換所。其職分尙不止僅爲票據之交換。實爲增進相互利益之設施機關也。

第三 票據交換所之沿革

票據交換之原理。卽基於貸借相殺 (Compensatio) 之觀念。此項思想在羅馬時代卽發其源。至於近世。其設立最早之交換所。當推和蘭之 Amsterdam 交換所及蘇格蘭之 Edinburgh 交換所也。

傳說當時之銀行業者。因競爭之結果。同業者互相仇視。對於他銀行付款之票據。往往故意聚集。出其不意以索現款。同業者彼此苦之。但銀行之業務其利害關係互相密接。其後彼此自覺。深知無意識之競爭。相互間均有不利。是等銀行因將不時收款之事公同禁止。每日在一定之地點。會

集於一處以互相清算。聞以 Amsterdam 及 Edinburgh 兩處交換所爲其嚆矢。惜無歲月之可考也。

至於有史可以稽考者。傳說以倫敦交換所設立爲最古。當初設立時頗爲同業者所反對。其後效果昭著。大爲銀行界所歡迎。適又利用英蘭銀行以爲交換餘數之轉帳機關。其交換方法更加便利。遂爲銀行業者公認爲必要之補助機關矣。

當時倫敦各銀行。其於交易上收入之各種票據。均一一派遣行員分途收款。各行員頗引以爲煩。偶於途中會見時。卽在途上互相交換其所應收款之票據。僅就其收解相抵之餘數以授受現金。其後各行員彼此公議。擇一每日一定之地點。以清結票據上之貸借關係。此時不過略具交換所之形式。因經濟社會之進步。銀行事業之發達。遂駸駸而隆盛矣。倫敦票據交換所設立以後。英國各地。羣相倣之。現在共有二十八所。其後歐洲各國接踵設立。德國於一八八三年設立伯林票據交換所。現共有二十三所。法國於一八七二年設立巴黎票據交換所。奧國於一八六四年在維也納創設交換所。此外如瑞士、意大利、俄羅斯等國。亦均繼續創設。美國於一八五三年在紐約設立

交換所。其交換金額自歐戰以來。已凌駕於倫敦之上。現美國所有之交換所。其約有一百八十九所。日本於明治十二年始在大阪設立。其後東京、神戶、橫濱相繼設立。現在共有十三所。至於吾國。在民國四年公布銀行公會章程時。內有籌設支票交換所之一條。惜至今尙未有舉辦者也。

第四 票據交換所及於經濟上之效果

票據交換所因其職分逐漸擴張。其及於經濟上之效果亦日加增大。對於經濟上直接間接各方面。均有莫大之利益。今就其效果之所及。以分別述之。

第一 票據交換所得使銀行對於票據之收解及支付省祛其危險及煩勞

按票據交換之最初目的。自其沿革史上以觀之。僅爲他行票據收款上之便利。因此得以減少其支付準備金。但甯謂係其結果而已。至使銀行對於票據之收解及支付。可以省祛其危險及煩勞。此實票據交換之最初目的也。蓋昔時經濟組織尙屬幼稚。信用制度尙不普及。銀行往來尙未頻繁之時代。其所受進之票據尙不多。一一分別以向付款銀行各自收款。實際上尙不十分困難。時至今日。因信用制度之發達。及金融市場之擴張。銀行業務隨以日臻繁忙。每日收進他銀行付款

之票據。其爲數實繁。銀行相互間遂因票據上發生極複雜之貸借關係。如一一持向付款銀行以分別收款。則不但空費莫大之時間及勞力。且當其攜帶巨額之現金時。關於竊盜及遺失之危險。實亦不尠。如有交換所以爲逐日清結貸借關係之機關。則銀行既可節省時間及勞費。且可祛免途中攜帶現金之危險。其及於經濟上之效果於此可見矣。

第二 票據交換所以節約貨幣

按票據交換所其及於經濟上之效果最顯著者。則得以節約貨幣是也。蓋票據於直接收款之時。必需現金以爲授受。各銀行對於他銀行所持來收款之票據。勢不得不有相當之現金準備。若銀行之準備金萬一有不足時。其於票據款項之支付。必立時發生障礙。該銀行之信用亦必因以失墜。勢且引起存戶之紛來提取存款。如銀行爲防備他銀行之收取票款。因以蓄積巨額之資金。則貨幣之效用勢必埋沒。若使會員銀行關於票據上之貸借。均在交換所以清結其關係。則會員銀行可以不必死藏巨額之現金。而避免現金授受之繁雜也。

第三 票據交換所得發揮活期存款之機能

票據交換所研究